



越城縣廣勝寺

佛說諸法本經

出中阿舍別翻

容

吳月支國居士支謙譯

聞如是一時佛在舍衛國祇樹給孤獨園佛告諸比丘聽吾說諸法本對曰唯然天尊曰若有外道異學有果問者何謂法本當答言欲為諸法本何謂習更為習何謂同趣痛為同趣何謂致有念為致有何謂明道思惟為明道何謂第一三昧為第一何謂軍上智慧為軍上何謂牢固解脫為牢固何謂畢竟涅洹為畢竟如是諸比丘欲為諸法本更為諸法習痛為諸法同趣念為諸法致有思惟為諸法明道三昧為諸法第一智慧為諸法軍上解脫為諸法牢固涅洹為諸法畢竟

諸比丘當學是常當有去家之想念非常想念非常苦想念苦非身想念穢食想念不淨想念無妄想念一切世間無樂想念知世間邪正想念別世間有無想念世間所習所取歡樂衰失及其歸趣當如事以正見知

諸法本經 第三卷 容字
 之諸比丘念是為斷愛棄欲入正慧得苦際佛說經已皆歡喜奉行

佛說諸法本經

佛說諸法本經

校勘記

- 一 底本，金藏廣勝寺本。
- 一 二二頁中一行夾註「出中阿舍別翻」，資、磧、普、徑、清無。
- 一 二二頁中二行譯者，資、磧、普、南、徑、清作「吳月支優婆塞支謙譯」。
- 一 二二頁中五行「天尊」，徑、清作「世尊」。
- 一 二二頁中一九行「無妄」，徑作「無忘」；麗作「死亡」。
- 一 二二頁中二〇行末字「別」，資、磧、普、南、徑、清作「則」。
- 一 二二頁中末行末字「知」，資、磧、普、南、徑、清作「之」。
- 一 二二頁下二行「奉行」，資、普、南、徑、清作「受行」。